



ASUNTO: Información sobre o trámite de avaliación ambiental estratéxica
PLAN: Plan especial de infraestruturas e dotacións en Caldeliñas
PROMOTOR: Concello de Verín (Ourense)
LOCALIZACIÓN: Lugar de Caldeliñas. Parroquia de Vilarmaior do Val
CLAVE: 2010AAE1018

Unha vez revisada a documentación recibida, infórmase do seguinte:

1. O Plan está contemplado no artigo 5 d) da *Lei 6/2007, do 11 de maio, de medidas urxentes en materia de ordenación do territorio e do litoral de Galicia* (plans parciais, plans de sectorización e plans especiais, excepto que o planeamento xeral que desenvolvan fora sometido a avaliación ambiental estratéxica segundo a *Lei 9/2006, do 28 de abril, sobre avaliación dos efectos de determinados plans e programas no ambiente*).
2. Procede adoptar por parte da Secretaría Xeral de Calidade e Avaliación Ambiental unha **decisión** sobre a necesidade ou non de que o dito Plan se someta a avaliación ambiental estratéxica, tendo en conta os criterios establecidos no anexo II da Lei 9/2006.
3. Como paso previo para adoptar a decisión, esta Secretaría Xeral inicia un período de **consultas** segundo o previsto no artigo 4.1 da citada lei.

Segundo o disposto no artigo 4.3 da Lei 9/2006, unha vez rematado o período de consultas, farase pública a decisión sobre a necesidade ou non de someter o Plan a avaliación ambiental estratéxica.

Tendo en conta o anterior, sométese a consulta pública o documento de inicio do Plan remitido polo órgano promotor. Durante un prazo de vinte días a partir da inserción deste documento na páxina web da Consellería de Medio Ambiente, Territorio e Infraestruturas, pódense achegar a esta Secretaría Xeral as consideracións que se estimen oportunas en relación aos efectos que, sobre o medio, podería ocasionar o dito desenvolvemento.

As consideracións que se fagan no período de consultas, poderán ser tidas en conta no *documento de referencia* que elaborará esta Secretaría Xeral e que incluírá os criterios ambientais estratéxicos, os obxectivos ambientais e os principios de sostibilidade aplicables no Plan. As consideracións feitas dende o dito documento deberán ser incluídas polo promotor, como parte integrante da documentación do Plan, no *informe de sostibilidade ambiental* (ISA).

O nivel de detalle, amplitude e grado de especificación do ISA quedará determinado no *documento de referencia*.

A decisión de sometemento do Plan ao procedemento de avaliación ambiental estratéxica suporá que a súa tramitación terá que cumprir o establecido no artigo 86 da *Lei 9/2002, do 30 de decembro, de ordenación urbanística e protección do medio rural de Galicia*.